

OMUKUETU

Original # 53

N:o 1

JANUALIE

1952

EHAMBELELONDJIMBO.

N. H. Gesange 66. S. V. K. 202.

JESUS KRISTUS IHA LUNDULUKA!

Hebr. 13: 8.

1. Imbila Jehova, ngoj' evi,
Oondigolo nad' uuvike!
Mu hambelela nomapsalmi,
A simana, Je auike.
Uunene ne kau na oongamba,
Akuhe je ta pangele.
Okoshipala she, Ohaniba,
Aatondi je taa puinine.
2. Mu tsejeni, aaua jilongo,
Je Kalunga ka Israel!
Shiguana she okue shi kongo,
Onoshikaba oshile.
Omomacimbo ngo gonaale
Natse uo kue tu putuda,
Momaudigu, muuehame
Okue tu hepululica.
3. Pulakeneni, ne ojana,
Oonakutilakalunga!
Nda hala okuhokolola
Ashihe shok' a ningila
Omuenjo guandje, ngaj' omunandjo,
Onda li po ndaa le ndi se
Ih' oj' a piicile ndj' etango
Ljohoole noljohenda je.
4. Nda hupicua moombogo deso,
Nda kulilua, nda fud' ihe.
No nde eta olupandu luasho
Okoshijambelo shi she?
Taamb' omatselelogondjambo!
Oluci nali tsinine!
Oongombe noonzi nosh' iikombo
Kaj' guanene ohenda je.
5. Na tangu, 'Muua guesilohenda,
Edina ne li simane!
A uuvitile ndje ohenda,
Aluhe shaa nde mu indile.
Tu taleni oonkumuelon a
Da longu koshi ah shol
Tu m' indileni esilohenda
Tu hupicue kobenda je.
6. Tse aakunanevi atuheni,
Tu mu tsileni oongo o uo!
Iiguan' ajihe kooha devi.
Tu mu etele epandulo!
Tu tangeni Omushiti guetu,
Oomuenjo nadi jeluke,
Tu mu imbile ekandang. ljetul
Halleluja, na simane!



Oomvula hadi lunduluka. Inima ajihe ohaji lunduluka. Nomuntu uo iha kala aluhe ngashi a li. Oha lunduluka. Omalunduluko oge li paali: omauanaua nomauinaji. Ngele tu na oluteni, otua hala omvula ji loke no ji ete elunduluko euanaua. Ngele tatu aalukua, otatu indile Kalunga a gandje elunduluko euanaua, tu aaluke.

Omuntu ha tegelele aluhe elunduluko euanaua. Ihe oluindji oti imbembeleke ouala. "Uujuni kau tondokua." Otahu cigi po omutondoki guauo. Onda monno oshilema hashi iendica nomaako gasho. Okua li ta kauile okasino ke mu hata po no ka njanjagula ongolo je.

Ongoje omugundjuka ua tameke okukauila okasino kiihulo, oshoka ino hala okutegelela Kalunga, e ku pe oondjokana negumbo. Ihe okasino hoka kuuholume, nando ke ku njanjuda tango naua, otake ku pilukile no take ku ljatagula naji. Oto kanica uujo-goki nesimano ljoje nombili. e to isica ohoni shili.

Nane uo aasamane naakulukadi, mua londa kokasino kiikolica haka tondoka noonkondo no tamu ti mua njanjukua shili. Ihe ohaluka jouala mua hatua po. Iikolica otaji mu fala nokuli moluhondelo no molugodi. Nuunene otaji mbandameke oomuenjo deni e tamu ningi aadini ja Kalunga noohapu de. One aakriste tuu shili, nando mua lala mua kolua, mua fa aajanankuengu, kaa noondungu? Otamu ka kala kombinga jini po esiku ljepangulo?

Jamue otaa kauile kokakambe kuujamba, kuuntsa no kondumbo, ngashi Absalom ja David a ningi. Ihe okakambe haka uo taka puidukile omukauili guako e take mu cigi po e endjelela pokati kegulu nevi. Opo tuu mpoka omutondi gaauntu ote mu tsu omagonga cgendji. Tala uo 1 Tim. 6: 6-10.

Nomumvo ngoka gua piti ngiika ue gu tameke nomadiladilo geitedululo. Ihe ua hatua po kuulunde no ua lunduluka naji u vule guonaale. Jaijee, ehulilo ljoje otali ka kala ljatjangini!

Ihe Omuaa Jesus iha lunduluka. "Jesus Kristus oje tuu nguka ohela no nena no sigo aluhe." Okua li atjangini ano naale? Tala efano lje ljokomuenjo momaevangeli. Oje kua li ha silohenda aavu no te ja aaluda. Oku nolukeno olunene naamboka ja silua omukuauo no te ja lombuele. "Ino lila." - "Ino tila, shaa ui itaale." - "Omuanjoko ota jumuka." Oje nokue ja jumuda uo shili.

Omuuenjo ogu vule olutu. Noshho iilonga mbjoka jokukuaca aantu muudigu uokomuenjo ojo iuanaua ji vule mbjoka jokolutu. Tala Jesus, sho ta dimi po oondjo doshilema no daakiintu aalunde, oda Sakeus no domukolokoshi, oda Petrus na Saulus, omboka ja tumbulua omadina gauo.

Jesus Kristus oje tuu nguka no nena. Oua pumbua ekuaco ljokolutu? Oje ha aaluda natango, oha jambeke iipaluca no ha lotica iikungulu taji ku tilica. Ongoje oua hatua po kokasino kuulunde no ke ku ljatagula? Oto hepekua kuulunde? Kuu na ue ombili, ihe ua tameke okutila, sho ua jono ku Kalunga. Ongoje ui ilongele okukeua po, oshoka ua fa omuti itagu iimi ue. Ihe Omuaa Jesus okue ku galikanene uo sho a ti. "Gu eca manga numvo." Omolu egalikano lje ua siluahenda u tameke natango omumvo nguno omupe. Na numvo Jesus e ja okukonga nokuhupica aalunde. Oua hala tuu shili okuhupicua? Omuaa Jesus okua hala okudima po oondjo doje uo noku ku mangulula, u kale noku mu simaneka.

V. A.

Luk. 13: 8.

Onda hala okuhokolola oshilongankondo shOmuua, e shi longo meti 13. 10. 51. Ongame sho nda pulakene, onda haluka, oshoka Omuaa e tu pa edidiliko enene, omunona gua Hoofman Silas sho a tameke okumana oondjenda de. Manga ina tameka okuja. okui icana aakuluntu je, no kua ti: "Onda hala oku mu laleka, gongaleni amuhe." Sho ja gongala, oje okua ti: "Ongame otandi j." Oje mu pula no ja ti: "Oto ji peni?" Oje okua ti: "Otandi ji ku Jesus megulu." Nokua ti: "Tu galikaneni." Sho ja mana okugalikana, okue ja lombuele jaa lile, oshoka oku li muujelele mu Jesus. No kua ti kombanda jevi oku nuudigu ouindji, ihe oje oku li moshkaha shOmuua. No kua ti: "Onda hala ndi kunde aamuameme." Ojo mbaka ja kundilua po: Susanna Negumbo, na Fenni Nkandi, na Felani Hilkka, na Felani Maija Kantele. Ojo mbaka sho ja pu po okukundua, okua ti: "Ando mu konge eimbilo mbjoka 236: Aapa ja Kalunga ne." Sho lia pu, okua ti: "Onda hala ndi mu lombuele: kaleni mu shi shi, kutja ongame onda ka kala megulu pOmuua Jesus." Nokua ti: "Isheue olntijali eimbilo 326: Joga ndje Omuaa Jelica ndje. Olutitatu okua ti: "Eimbilo 131: Tu na tuu emonacano." Opo mpoka omugundjuka no kua ji ihe, nedina lje oljo ndika Paulina Silas lipumbu.

Eeno, osho enjanju enene shili Omuaa shoka ta pe aakriste oonkondo. Na ngame uo onda hala nokuhalelela oshinima shika shi uuvike kaakriste ajehe. Oshoka Omuaa je mnene ota ti: "Okehe tuu ngoka e nomuenjo, nokui itaale ndje, kee na mpo ta si sigo aluhe." Joh. 11:26. Eeno omukriste omukuetu, esiku efupi uli na. Osho ngeji tuu tu na okukala neinekelo lja kola nuudiginini okuinekela aluhe Omuaa guetu, tuaaa kanice uujamba uo megulu. Onke natu ipule nawa, tuaa pangalwe kehalo ljetu jene no ljuujuni no jokuume ketu. Omuaa oku li popepi.

Gabriel Amupolo.
Jongenskool,
Elim.

TILA UULUNDE NGU GALUKILE KU KRISTUS. Ps. 5:5.

"Oshoka hangoje Kalunga u hoole uulunde nomuunaji ke nokukala pungoje." Ngele Omuaa ta tala ando kevi ndika tu li ko ngashingeji, ota dimbulula shike maantu je? - Ota mono tuu mutse shoka tashi mu opalele? - Ta mono tuu mutse eadimo lje, nenge Omuaa ta lili ouala sho ta mono nkene tu li po ngeji ojendji muulunde. Kuume, Omuaa ota lili shili sho ta tala nkene tu hole shili uulunde, komeho guujuki ua Kalunga. Omukriste omukuetu, u uete tuu nkene uulunde tau ku kanica? Ojendji otu li mondjila jomapukico tu ukilila kekano. Mokati ketu tse aakriste omo tuu moka uulunde tau longo ngashingeji. Uunkolue ua vuka shili. Uudinikalunga nuukenakonashanaka kalunga otan longo mutse mboka tu li megongalo - omahondelo nuusheki ua vuka uo, etilokalunga lia fupipala mutse ojendji. Katu netilo eja puki ue okutula uulunde. Okufumvika oondjo nokukonga uujuki paaantu, osho ekondjo ljetu. Omaikukutiko nohoole okuihola ojo taji longo mutse. - Ongiini ano sho ojendji tu li po ngeji, omukuetu? Aaue omukuetu, tu tileni shili uulunde. Tu galukileni ku Kalunga. Omukuetu, dimbulukua nkene omutondi tu umbu oomposi deso ljuulunde tuua ka mone Omukulili. Ihe Omuaa Kalunga ha tondo shili uulunde. Ngocje ngele u hoole uulunde, ongoje to ihilile shili epangulo edigu esiku ljepangulo, nondjahi ja Kalunga taji ku fike mesiku ljondjahi onene. Ngele ngoje ito galuka muunkolui nomeikukutiko nenge medinokalunga nomuusheki uoje nomuukolokoshi uulunde, ngele ito itedulula shili mu mbika, kala u shi shi, epangulo tali ku aada. Nenge to dini ngiini ano etungo ljuuanaua ua Kalunga nontalanteni je? Uuanaua ua Kalunga nontalanteni je taji ku hili u itedulule. - Ihe neikukutiko ljoje nokuaaitedulula kuoje taku ku hilile ondjahi ja Kalunga mesiku ljepangulo. Rom 2:4-6. - "Oshoka ondjambi juulunde ojo eso ihe omaganohenda ga Kalunga ogo omuenjo gualuhe." Omagano ngaka gomuenjo gualuhe taga peua mboka oonakutula uulunde, omboka haa endicua kOmbepo jOmuaa no inaa hangana muujuni mbuka nuulunde uauo.

Kala ua tonata ngu itedulule, oshoka Omuaa guetu ku li popepi.

Samuel Haimbili,

Ecimbo ljesilohenda itali kala aluhe. Omacimbo gekongo otaga vulu okushituka omacimbo gekukutiko. Shono sho sha ningua, esiku ljepangulo kali li ue kokule. Otali ja ombadilila, inaali tegelelua, ngashi oluadi talu adima kegulu lja fa kali niikogo.

Okukalamuenjo ketu kaku shi kuetu, aue, otue ku peua manga ku Kalunga. Esiku limue otu nokuihokolola nokupulakena epangulo ljetu. Ihe esiku ljepangulo olu itedulua manga komeho. Oljo lja tegelelicua kegalikano ljomupopili guetu lja ti: "Omuaa, gu eca manga numvo." Ngele tu li po inatu iima iijimati jOmbepo, otatu ke ekelahi no tatu fikua po. Otatu ka ningua ngashi Sodom na Gomorra, eeno egeelo ljetu otali ka lunda nokuli ndjoka ljauro.

Ihe sho tu li natango mecimbo ndika ljesilohenda osho oshilonga shegalikaneni lja Jesus. Kalunga ina kuca po natango oshikaha she shegameno. Okua tegelela natango iijimati jetu no jaana jetu, eeno, ojoshiguana ashihe shetu.

Omolua shoka ano, nomolu omupopili guetu ota zimine oku tu gredela ko omasilohenda omape, nomaicano, nomapapuduko, omakumagido nohoole jookume ketu, omaumpilo gaatondi, oocina niiponga. Omuaa ina hala tu jone po noojakuetu uo, aue, tu ja kuace nokuli.

Iihura ji cike peni okudana nuulunde. Jaijee, ngele inatu egulula oomuenjo detu, oohapu d'Omuaa sho de tu lenge momuenjo. "Omuumvo nguno natango" pamue tagu hulile mcinge ndjika nenge momuedi nguka. Oomuedi detu otadi uucua k'Omuaa. Oje a tula po ongamba tatu njengua oku ji taaguluka. Ongoka ini itedulula kujele je iti igandja e endicue kOmbepo, ihe ota dini eicano lja Kalunga no ta tsikile okuenda kue janjama, oje ta lombuelua ongoluaadi oohapu depangulo da Kalunga omujuuki: "Gu ka po."

E. W. Pakkala.

AAGUNDJUKA AAKRISTE.

Aagundjuka aauambo oojakuetu, oshike ano, mu li po ngaa tamu koca, nando mu uete ngaa nokutja omacimbo oge li po taga matuka? Aamati aauambo mboka hamu ji kUushimba, ohamu kala ngaa tamu popi ngashika mua hala, ne itamu diladila nokutja uujuni ou li po tau ji.

Mboka mu li po aakriste itamu pukulula oja-kueni mboka je li po inaa itedulula natango? Oku ne mboka mu li mUushimba, mokati keni omu-na aagundjaka oojakuetu mboka ja za mOputu, moka kamu na aavici joobapu da Kalunga.

Mokati keni omu na aamati ojendji ja pita mooskola daamati, ihe oja holama inaa hala okuholola shoka Omuaa e shi ja pa. Aagundjuka oookuetu, mboka mua shashua nomua kolekua, uutoje mboka mua mono mEvangeli u hokoleleni mboka inaje u mona. Kalunga a hala u mu etele nando omuenjo gumue aguke, e te ku nanjuklua.

Omugundjuka omuambo, penduka u tonate, oshoka ecimbo ljoje oli li po tali matuka ongashika omulonga omenene tagu tondokica omeja. Ecimbo ljoje otali ku hulile, uluma hano u longe manga ecimbo u li na.

Mua kundua komuuanjoko,

T. Amupala.

EJOKA NEFUMA.


Esiku limue ondu uvu efuma tali lili. Sho nda ji ko, onda ada ejoka lja kuata efuma pombunda. Onda kuca ekuuna nde li umbu. Ejoka olja matuka nefuma ljaljo. Onda kumua nda ti: Ejoka tali dengua, ihe inali eca efuma. Olje li kuata lja diginina shili.

Omukuetu omuholike! Sho tu li muujuni muka, omu na ejoka enene tali tu kuata. Esiku limue ongoje to kuatua kejoka ndika. Li kondjica nokuikonakona manga ua peua okacimbo. Ecimbo ljoje ino li hepica ouala! Omuaa nge te ja, oto ka peua ondjambi ja shike?

Alarik Jason,

OMAFANO ATATU.

OUKUKUTU (EDU), OUATO,
OSIKEPA.



Edu, 1 Kor. 15:48a.

Omunu manga eli poukukutu, ota dulu okuenda apese apa a hala nokulonga asise esi ta' dulu. Ote li-nekele oukolele uomaulu aje no uolutu luaje nojee-ndifa jaje ngasi ongombe, etemba, ehauto, esina nst.


Tasi ti: omunu manga e li moupaani, ta longo asise ngasi a hala.



Ouato.

Ouato tai jeleke eongalo. Omunu esi a sasua a ninga omukuanegongalo eli omukriste, oje okua fa e li mouato. Nokutja, ina ja manga kokule nomungulo. Asise sokoukukutu oku si uete no ku na eendafano naso momadiladilo.

Oso omukriste esi e li meongalo, oku uete jo oinima jomoupaani noku neendafano najo. 1 Petr. 2:1; 4:3; 1 Joh. 2:15-16. Ngasi ouato ihai jauka efuta i je koulongo imue, oso neongalo itali fikifa meulu.



Osikepa. Rm. 8:1-2.

Omukriste mu Kristus a fa omunu ou a dja mouato nokua ja mosikepa. Nosikepa otai mu jaukifa ne efuta a je oku a hala.

Ounjuni oo efuta. Jesus oje osikepa jetu joku tu jaukifa efuta lounjuni. Hebr. 10:20; Joh. 14:6. Oso hano mu Kristus natu fiki ku Kalunga. No muje hatu ehene kokule nomangulo اونجوني, itatu endafana vali nao. Kol 3: 9b-10. Itatu dulu vali okulonga oso sehalo lounjuni. Gal. 5:16.

Omulesi, omonele ilipi u li: opoukukutu, ile omouato, ile omosikepa?

Josua Hanjango.

EMONIKO.

Omugundjuka guegongalo ljontumba, manga te ende nondjila je omolu enongelo ljekeleko, okua mono noku uvu, tango oluaadi lua adima. Okua hala unenenene, ta kakama. Manga a kumua mehaluko lje, kua uvu ondjimbo jo opala taji imbua. Nena a hala okulengalenga naua, ihe eadimo lja kelele omeho ge okutala naua. Meadimo u uvu mo eui lje mu icana edina lje nolja ti:., Tegelela ndje ndi ku lombuele." Nena a cikama, Kalunga nokua tonatica omeho ge gokomwenjo. Okua mono aajengeli ja Kalunga jaali. Gumue e mu lombuele a ti:., Inda komujevangeliste nima u mu lombuele na diginine iilonga mbjoka he ji longo. Nangoje uo onaua ngele to mu landula. "Omugundjuka a niengua okumona shoka ta jekika ujelele uaa:engeli noonguuo dauo neopalo ljondjimbo onkuagulu. Shimue ashike eshi tseja, Kalunga Oje omujapuki, nokua hala Omuaa Jesus amike a kale kuumeme ke. Onke a kongo eha euanaua nokua galikana Kalunga.

Omugundjuka omukuetu, Tate nOmukulili guetu Jesus Kristus sho a hala oku tu icana, ote ta ada tatsu zi, notatu ji, notu li peni? Iilonga jetu noondjenda detu odini da guana okuholelua? Uukuume oualje no oui tue u hala auke? Ecimbo peni tua tega eicano neihololo ljOmuaa guetu? Olje omunalago guomaanelago okui itsejicilua nokui ihololelua kOmuaa gee, manga etango inaali ja mo? Meme, tate namuame-me omuholike, tu ligamene kegulu kehe ecimbo. Omuaa okua tonata noku tu jakala.

S. Sh. Titus.

IINAKUGUANICUA JESIKU KEHE
JEUVANENO LJEGALIKANO NEGALIKANENO.

Mat. 18:19; Joh. 17:20,21.

Osondaha. Galikanena etaandelo ljongerki ja Kristus. Omuenjo guajo guopambepo, nuugumue uajo uomombepo Ondjapuki. Euvico ljoohapu da Kalunga li mone ejambeko, di tu jambekelue no di jambekelue egongalo ljaandjetu uo. Jak. 1. 22, Joh. 17:17.

Omaandaha. Galikanena etumo ljopakriste. Oshilonga shetumo mokati kaapagani no kaajuda, omuulikitumo nomukuluntutumua, oshilonga shetumo tashi longua mokati kaakriste, aasitagongalo, aatumuahongi, ja peue uuladi uombepo jetumo. Mat. 9:38, 2 Tess. 3:1, Kor. 4:3

Etijaali. Galikanena egumbo noskola. Omagumbo naanegumbo, ooskola detu adihe (daanona, josoonadaha, eshasho nekoleko, uugumbo uaakadona, daamati, daahungi jaavu, ooseminaari, okuuiiki jaasitagongalo n.s.t.) a alongi auuambo naatumualongi, aalelua naavalua. Jos. 24:15, Ef. 6:1-4.

Etitatu. Galikanena ookuume naanezimo. Aashiinda jetu, naalongi pamue natse, ehekeleko ljaavu, o shepele, aakulupe, aanuuike, oocigua, aanuudigu naajehi jomiiponga. Oondohtora, aapangi jaavu nejambeko jomiti. Hebr. 13:3, Ef. 6:18.

Etine. Galikanena evi noshiguanu shetu. Aakua-niilu., omalenga, aapangeli aakuuilongo, evi, nomaha gokukalua. Auuambo jomehalakano muUushimba, ejambeko uevacano euanaua miilonga. Esimaneko ljiimenka noonganga li teke po, iilonga ajihe ju uke pa Kristus. Jer. 29:7, 1 Tim. 2:1-7.

Etitano. Galikanena omagongalo getu mongerki ajihe kombanda jevi. Elongo lja jela, nuujogeki uoomuenjo, etililo ljOmbepo Ondjapuki miiljo ajihe ja Kristus, aapukululi naauiliki jOombibelingundu momagongalo niigongi jaagundjuka, Ooseminari, elongo ljaasitagongalo, ediladilo limue momagongalo no mokati kaasitagongalo, kaatumuahongi nokajakuli ajehe. Jer. 29:1, 1 Tess. 5:12,13.

Etihamano. Galikanena ngoje hambelela omolu ehulico ljoshiuiki. Hambelela omolu uuanaua auhe nejambeko ljOmuaa, nefupipikuo lja za koshipala sha Kalunga, sho e ku talica okuuaanuudiginini kuetu noondjo detu. Indila edimo ljoondjo moonkondo dombinzi ja Kristus, ejambeko ljesiku ljevuluko nelaago mevululuko ljaaluhe. Ps. 51:3, 1 Joh. 1:7.

Efraim Angula.

Aamuameme aahoolike! Otse aatumua jeni' mue tu tumine mOkavango, omolu o'uhopo l'eto sho jaa nomuhongi nomusita. Kalunga osho e tu cikica maamuameme nu Kristus Jesus. Otua monacana najo iipala niipala notua popi omilungu nomilungu. Ihe o'luhopo nduka luetu aakavango opo lu li olunene ndoka luokomuenjo. Aantu o'endji je li muupagani. Nuupagani uetu ovo mboka uokiilongo jok uningini. Uupagani ua tja ngeji ou na naanaa omakota gauo miikalunga mbjoka taji kuatacana naacici. Aantu ojanjengua okuitaala Kristus omupe ta uca po eitaalo ljuukulu. Onke ano inamu tu dimbua po koshipala sha Tate oku tu galikanena otse aakuangali. Ningen ingomujapostoli Paulus ta ti mu kaajef. 1: 16-18.

Opo mu tu uve ne mu tseje unkuatja uetu, otandi hokolola pafupi: otu li pomulonga omunene gu nomeja aluhe, omeja taga tondoka gu uka tuu hoka luokuuzilo pokati kauo nuushimbantu. Nomagumbo getu osho taga landula ko. Shaa ngoka ota nu momulonga ku Bango. Kaku na oluhepo luomeja.

Otua fa omukiintu e ja polucicija lua Jakob. Jesus e ja uo. Osho mpaka Jesus e ja po. Nokua italua uo tuu kojendi, neitaalo ljauro otali huhua no taa shuna neitaalo ljauro ljuupaganielela. Omolua shike ngeji? Omolu uujamba andola? Auee, osho tuu. Ihe aakavango aantu aatali naua mokukala kuaantu aakuilongo, noje hoole oohedi doshilongo shauo. Onke ihaa hokua ngoka ta popi mefutiko, nena otaa tala notaa muena momagumbo gauo nokumuenenena shili. Ihe mboka ja ningi oitaali oja kola ngaa. Kalunga na hambelele omolu oompadi domuhongi Pennanen ngoka a tiua Kakondo, oje okua pandulua kaakavango ngo Nakambale mOndonga. Oompadi da Kakondo tadi monika mu Kuring-Kuru. Naajehejehe taa lili opuuo. Nomokulila huno o'endji ja muena uo ouala, itaa ningi ue sha. Onke ano otse uo sho tu li ko, otua talua ngomakola mokati komajimbi o'endjigendji. Oja njanjukua tuu; ihe oja tala shoka tatu kongo ngele ojo, nenge omutumbatuli.

Ano aakuetu inamu tu dimbua po. Ondu uvite olukeno oshilonga sha Kalunga muka tashi hepa. Ooskola dimue oda edilua po omolu aanona aashona taa holoka ko.

Otatu mu halele ejambeko lja Kalunga moku tu dimbulukua.

Th. Nakanjala.

AATEJI OTA A PUMBIUA.

Aamuameme mboka mu li mu Jesus Kristus, une ne one tuu mboka aagundjuka aakuetu. One omu li po mua silua ohenda ku Kalunga, sho mua tuminua Omuuana, nokue mu kuca mo muulunde, moka mua li mu nokusila mo ando. Ihe ngashingeji, omua ningi aannamuenjo omolue, sho e mu sile. Ihe one mboka mu uviteko kutja, one omua kulilua shili, onda hala nokuhalelela mu je shili mooskola mu lougue okutseja Kalunga, ne mu kuce mo oshiguana shoka shi li muupagani natango. „Tala iilja oja tiligana, ihe aalongi aashona. Galikaneni ano omuene guilja, a tume aalongi ketejo lje.” Mt. 9 36-38. Nesiku ndjoka mua shashua nenge mua kolekua, omua lombuelua: „Indeni ano, ka ningeni aantu ajehe aalongua jandje.” (Mt. 28: 19-20.)

Aamuameme, elalakaneno l'andje oljo tuu ndjoka: okukuca mo oshiguana muupagani, kuua kale nando ogumue a mangua komutondi.

Unene galikaneni shili, oshoka „egalikano ljomujuuki otali vulu oshindji ngele lja shili.” Jak. 5: 16.

Erkki Jakob.

EPANDULO.

Aauambo jomu Windhoek ja tumine oshilonga shetumo ongalo ji cike pu £ 4. 5. 3. Aakuluntu jettumo taje ja pandula nokutja: „Oshilonga sheni kashi shi osima omOmuua.”

Esiku eti 9 Desember 1951 kOnguediva kua gongalele ko aasamane naamati o'endji ja dane oshituci shoskola jaamati jokOnguediva ja tsakanica oomvula 25. Mohungi eti 8 Des. aalongua jonaa le ja njanjudacana nokuhokolola omacimbo gauo moskola. Oandaha jongula josondaha ja ningua komusitagongalo Jason Amakutua. Omukuluntu guetumo, omusamane Alho oku uvica melongelokalunga noku tu londoda tuua pe omutondi eha oku tu mangana nuujuni mbuka. Moshituci sha landula mua li mu naauvici o'endji. Omusamane Festus Hango okua hokolola nkene etumo lja peua eha ndjoka ljo opala netameko l'oshilonga shokOnguediva. Aauvici o'endji ja li aalongua ja putudilua naale moskola tuu ndjoka. Moohapu dauo nomoomuenjo daapulakeni uo mua holoka ehambelero enene l'okuhambelero Kalunga omolu ekuaco lje, Oje sho kua kuacica oskola jokOnguediva ja humice iilongo jaauambo komeho.

OONKUNDANA.

Lukas H. Shetekela, Oranjemond, ota njoola: „Ohai hambelele Kalunga e tu dimbulukua aluse no te tu tumine ovahongi tave tu talaleke keemuenjo neendjevo devangeli.”

Mikael Mukondei, Orangemund, ote tu dimbulukica oohapu (Omuua: „Ino tila, ongame nde ku kulile, ongame nde icana edina l'oje. Ongoje o'guandje”

Simon Shovaleka, Windhoek, ta njoola pafupi: Tala ohole ja Jesus!

Sakeus Ijambo, ti indile omagalikano getu a mone oonkondo da zi kOmuua a sinde omamakelo gomutondi.

Jakob Auene, Karibib, ta londoda aagundjuka jaa itule moshiponga shokukanica oomuenjo dauo omolu iikolica.

Fanuel ja Mumati - Namukundi, Omaruru, ta hambelele Kalunga sho kue mu gamene koshiponga nando a gu moshihauto nota kumagida aagundjuka ajehe okudiginina oohapu da Kalunga niipango je.

Pinehas Iita, Orandjemond, a njanjukilua aamati jamue ja tolokele moshinambo oohapu da Kalunga da uuvicua kaatumua ja popi Oshiafrikaans, no ta kumagida aagundjuka ja je koskola, nojo uo ja uape okujakula ngeji o'ojakuauo.

Samuel J. Nekuta, Swakopmund te tu dimbulukica omadidiliko gecimbo lja hugunina no ta pula: Omukuetu, efimbo lopaife oli li ngahelipi kuove?

Jeremia Christof, Ongandjera ta ti: Tu kondjeni shili, oshoka katu shi uo, Omua guetu esiku te tu ile ngele omutenja nenge uusiku.

T. Irambo, Ongandjera, te tu dimbulukica ooha pu di: Inatu vuluoni okulonga uuanaua oshoka pecimbo ljetu otu ka tejene uo ngele inatu vulua.

A. D. Naulondo ta kumagida aakuluntu ja tume shili aanona moskola.

S. K. Abed, Oranjemond, ta ti: Omutenge gua Jesus o'guo omudigu okuhumbata muujuni mbuka, ihe megulu otagu ka kala omupu shili.

UUDIGININI UA KALUNGA

Moshigongi shontumba shopondje aapulakeni oja hepekua koomue. Omuuuici okua galikana nokui indile Kalunga a kuace aantu jaa imbue kekudilo ndika okupulakena. O'endji oja diladila Kalunga ota vulu ngiini okupangela oomue.

Okacimbo kouala sho ka piti, ombepo oja tameke ihe okupepa. Ombepo ja tida po oomue; inadi uapa okuhepeka aapulakeni. — Eimbilo l'ehulico sho lji imbua, ombepo oja muena ihe noomue oda galuka. Oda ada ano oshigongi sha pua po, nosho inadi uapa oku shi kudila. Otua hambelele shili Kalunga.

Ashipala.